

KOREA dan riwayat sekelilingnya

Perkara yang menggemparkan sekali berlaku di dalam bulan Ramadhan yang baharu lalu ini ialah langgaran Korea Utara kepada Korea Selatan yang di dalam kedua-dua mereka itu terletak pengaruh dua buah kuasa besar iaitu Russia dan Amerika Syarikat yang menjadikan bahawa masalah Korea itu telah menjadi suatu soal adakah kejadian yang terhebat di situ bermakna perang dunia yang ketiga telah dimulai.

Sebagaimana di dalam Perang-perang dunia yang telah lalu (yang Pertama dan yang Kedua) sebab-sebabnya tidak lain ialah oleh kerana pihak-pihak yang menang itu masing-masing mengambil faedah atau pun berbuat-buat muslihat atau pun kerana perjanjian-perjanjian sulit yang diadakan oleh mereka itu maka nampaknya Perang Dunia yang Ketiga itu pun tidak dapat dielakkan yang sebabnya sama sendiri juga.

Jika kita kaji kejadian-kejadian sesudah Perang Dunia yang Kedua ini maka dengan sendiri sesudah mereka menduduki negeri Jepun, Semenanjung Korea yang terkenal juga dengan Semenanjung Chusan itu adalah menjadi suatu tempat yang mustahak sekali kedudukannya di dalam perjuangan yang akan datang di antara kuasa-kuasa demokrasi dan komunis yang pada masa ini peperangannya telah pun dijalankan tetapi sehingga menulis ini peperangan itu belum lagi membawa kepada peperangan senjata selain daripada masing-masing mendirikan hujahnya mempertahankan di antara tentera Pihak Selatan satu pihak dan Pihak Utara satu pihak yang di sebalik daripada itu maknanya

siapa yang berjaya di dalam perjuangan itu bermakna ia menduduki suatu tempat yang mustahak sekali kepada mata tentera. Jika pihak komunis duduk di sana maka sudah tentu keselamatan-keselamatan, pertahanan-pertahanan Amerika di negeri Jepun itu akan terugat oleh pasukan-pasukan komunis dan sebaliknya pula jika Amerika dapat bertapak di sana maknanya dengan mudah ia akan melancarkan suatu serangan kepada musuhnya yang menjadikan Semenanjung Korea itu suatu tempat titianya yang utama.

Di sini tidaklah ditujukan tulisan ini kerana mengulas perihal siasah yang terjadi di dalamnya tetapi tulisan ini adalah ditujukan untuk memberi keterangan tentang kedudukan tawarikh negeri itu bagi panduan pembaca-pembaca mengetahuinya. Semenanjung Korea atau Semenanjung Chushan itu ialah suatu semenanjung yang membujur ke selatan di pantai timur tanah Asia iaitu sebuah semenanjung yang telah termasyhur terletak di bawah empayar Jepun. Panjangnya ke selatan lebih kurang 600 batu dan lebarnya lebih kurang 135 batu yang mengandungi suatu kawasan seluas 85,246 batu persegi. Sepanjang-panjang pantai selatnya dan barat semenanjung itu bertaburan sebanyak 200 buah pulau-pulau yang termasuk di dalamnya kumpulan pulau-pulau Shaishoto dan Kyonto atau Nankaito. Pada kumpulan pulau-pulau yang akhir disebut inilah terletak pelabuhan yang terkenal dengan nama Fort Hamilton.

Sebelah utara semenanjung ini bersempadan dengan Manchuria dan pada sebelah Timur lautannya bersempadan dengan Russia. Sebelah

utara terletak juga sungai Yalu Tumen dan terletak juga gugusan gunung-gunung Fukansan. Sebelah baratnya bersempadan dengan laut Jepun dan di sebelah timurnya dengan laut Kuning dan di sebelah selatannya dengan selat Korea. Pada perhubungan putih tadi termasuk juga gunung Intan yang membujur ke selatan hampir-hampir ke sebelah barat pantai itu. Di sana ada banyak sungai-sungai tetapi hanya satu-satu sahaja yang digunakan sebagai perjalanan ialah seperti sungai Kan , Daido dan Rakoto.

Pada sungai Kan itu terletak bandar Seoul yang penduduknya sebanyak 935, 464 orang dan pada sungai Daido terletak bandar Py onyang (Daido) iaitu bandar lama yang penduduknya sebanyak 285,965 orang.

Bandar-bandar yang mustahak ialah di Shochinnamku Poosan dan Jinsen. Keturunan penduduk di sini ialah daripada keluarga Mongol yang mempunyai bahasa-bahasa yang berasal dari Tuartien. Badan-badan mereka itu rendah-rendah. Rendah daripada orang Jepun. Tiga suku daripada tanah-tanah itu ialah hutan dan hasil dari daerah itu ialah emas, besi dan arang tetapi yang utamanya perusahaan. Di sana ialah tanaman-tanaman. Hasil perusahaan tanah di sana iaitu beras, sekoi, beras Belanda, kacang, kapas, tembakau dan perubatan-perubatan Cina. Di dalam keadaan tanah yang sedemikian ini sudah tentulah hidupan-hidupan seperti kambing dan kerbau banyak di sana dan banyak dibawa keluar.

Angka-angka yang menduduki Semenanjung Korea ini bilangannya bersalah-salah, ada yang mengatakan sebanyak 26 million (utara 9 million, selatan 17 million) tetapi menurut taksiran tahun 1947 penduduknya sebanyak 22,800 orang. Orang-orang Korea itu ialah orang-orang yang telah berkemajuan dan ahli persatuan serta mempunyai agama. Badan mereka itu tegap-tegap dan mereka menjadi askar-askar yang gagah dan juga menjadi orang pelaut.

Ada pun tawarikhk semenanjung kononnya didirikan oleh

Kizi pada tahun 1122 sebelum Nabi Isa dengan yang kemudiannya disatukan dibawah nama Korea pada kurun yang kesepuluh oleh keturunan raja-raja Wang. Keturunan raja-raja ini akhirnya telah jatuh pada tahun 1392 dan tempatnya digantikan oleh Ni Taijeo yang telah mendirikan kerajaanya di sana hingga tahun 1910 di dalam mana sehingga ini raja itu dijatuhkan dan semenanjung itu ditakhlukkan oleh Jepun yang kemudian



Peta ini menunjukkan keadaan di dalam Korea yang sebahagian pada sebelah utara terletak dibawah pengaruh Rusia dan selatan di bawah pengaruh Amerika yang dengan sebabnya maka perjuangan di sana adalah menjadikan suatu soal adakah Perang Dunia yang Ketiga akan terbit?


menamakan semenanjung itu dengan Semenanjung Chusan.

Pada kurun keenam belas Semenanjung Korea ini telah diserang oleh pasukan tentera Hideyoshi yang terkenal dengan nama Napoleon bagi Jepun tetapi akhirnya orang-orang Jepun undur dengan meninggalkan di belakangnya bekas kerosakan dan runtuhan-runtuhan yang hebat. Selain daripada itu kesannya kumpulan itu menjadikan keadaan negeri itu kucar-kacir yang membawa kepada keruntuhannya. Lebih kurang 200 tahun lamanya negeri itu terasing daripada dunia.

Dengan perjanjian 22 Ogos 1910 akhirnya Korea diletakkan di bawah takhlukan Jepun dengan nama Chusan. Semenjak

dari masa itu sehingga 35 tahun lamanya negeri itu ditadbir sebagai suatu jajahan taklukkan Jepun. Agama Shinto dijadikan agama rasmi bagi negeri itu yang menjadikan kedudukan penduduk di situ akhirnya telah bertabiat orang Jepun sehingga kelakuan dan adat-istiadat mereka pun demikian juga oleh kerana semenjak daripada masa itu orang-orang Korea tadi kanak-kanaknya adalah dididik mengikut cara-cara dan peraturan-peraturan orang Jepun itu. Juga dengan kedatangan Jepun ke situ pelajaran-pelajaran China dan agama Confucian dengannya menjadi merana tetapi sungguhpun begitu

(sambungan pada muka 22)



Dalam gambar ini kelihatan pasukan Amerika undur kerana rehat. Tidak jauh dari tempat ini ialah sempadan 38 darjah yang menjadi sempadan di antara Korea Utara dengan Korea Selatan di dalam beret-beret yang akhir adalah nampak dengan terangnya bahawa tentera Korea ini sentiasa undur terutamanya kerana pihak orang-orang Utara Korea telah menggunakan tank Russian yang beratnya 90 tan. Tetapi sungguhpun begitu adalah dipercayai perunduran ini adalah bagi sementara juga selagi usaha-usaha pertahanan itu belum dapat diikhtiar. -Gambar A. P.

(Sambungan daripada muka 19)

kerasnya tindihan-tindihannya Jepun menjadikan sebab juga menerbitkan suatu bangkitan pada tahun 1919 setelah tamat perperangan dunia yang pertama di dalaman mereka itu menuntut dijadikan sebuah kerajaan yang merdeka dengan malangnya bangkitan itu telah dapat ditindas oleh Jepun sehingga banyak memakan korban.

Apabila masuk di dalam perperangan dunia yang kedua dan tatkala kerajaan yang berperang di Timur jauh pada masa itu melawan Jepun iaitu Amerika, British dan China yang telah mempunyai cita-cita baik ke atas Korea telah menetapkan bahawa Korea sesudah perang akan dijadikan sebuah negeri yang merdeka apabila Jepun telah tewas di dalam perperangan itu. Keputusan ini apabila pada 21 November 1943 di dalam persidangan di Qahar di antara Presiden Roosevelt, Tuan Churchill dan Chiang Kai Shek. Tetapi apabila Germany telah kalah di Eropah maka Rusia yang sebelum masa itu sekalipun telah berperang bersama-sama pihak Berikat tidak mengisyiharkan perperangan dengan Jepun telah memandang bahawa ia tidak akan mencuaikan hal ehwal Timur Jauh maka dengan serta-merta apabila melihat Jepun kedudukannya telah lemah dengan sebab gugurnya bom atom yang hebat itu dengan serta mertanya telah mengisyiharkan perang dengan Jepun yang tidak lain pertama-tamanya ialah kerana Kedudukan Manchuria lalu menjalar masuk ke dalam Korea supaya kelak apabila tanah itu terletak di dalam tangannya maka dengan mudah Timur Jauh ini terletak di dalam kemahuannya semata-mata.

Pada masa itulah terjadi perbuatan kepada tanah yang tersebut yang dengannya pada 6 Julai 1945 pasukan-pasukan kapal terbang Amerika telah mengebom kawasan-kawasan itu oleh kerana pada itu kawasan itu masih duduki Jepun tetapi sebaliknya pada 12 Ogos 1945 Naval Base Jepun di Russian dan pelabuhan Yogi

di situ telah ditawan oleh Rusia. Pasukan Amerika telah turun di Jinsen pada 8 September dan penyerahan orang-orang Jepun di Korea akhirnya telah dibuat di bandar sulit pada esoknya. Kemudian diisytiharkan bahawa semua pegawai-pegawai Jepun dalam negeri itu digantikan dengan orang Korea.

Pada tahun 1946 sebelah pihak-pihak yang menang di dalam perperangan itu telah merundingkan perdamaian maka akhirnya negeri Korea itu dibahagi dua pada tangen 38 darjah gurisan dunia yang di utara diletakkan di bawah kuasa Rusia dan di sebelah selatan terletak di dalam kuasa Amerika yang dengannya terbitlah dalam satu bangsa itu dua pengaruh Amerika yang berdasarkan demokrasi dan pengaruh Rusia yang berdasarkan komunis.

Dengan ini zahir kepada kita bahawa bagaimana adanya bahagian-bahagian Korea Utara dan bahagian-bahagian pula Korea Selatan itu. Semua dunia percaya bahawa kejadian langgaran pasukan Utara Korea yang dipengaruhi komunis ke selatan tujuannya yang pertama tidak banyak helah suatu percubaan jiwa untuk mengukur adakah langkah-langkah itu akan ditahan oleh Amerika kerana jika berjaya bermaknalah lolos jarum, lolos kelindan yang dengan sendirinya kak bahawa pasukan-pasukan Rusia telah pun ada di hadapan negeri Jepun yang pada masa ini terletak pasukan Amerika dibawah Jeneral McArthur yang diletakkan di sana sebagai pasukan hadapan Amerika untuk menentang komunis di Timur Jauh ini sebab mereka mengetahui bahawa dengan habisnya perintahan diktator (Fascist dan Nazi) itu maka mereka akan mengadap musuhnya yang besar pula iaitu komunis yang menyebabkan apabila tamat sahaja Perang Dunia yang Kedua itu maka masalah itu timbul pula dengan serta-merta.

Dengan ini dapatlah kita faham daripada kejadian-kejadian ini menunjukkan bahawa Perang Dunia Ketiga tidak dapat dielakkan lagi hanya menunggu saatnya jua.